

Visoki predstavnik čestita UIO na rekordnom prikupljanju prihoda

Visoki predstavnik Valentin Inzko danas je čestitao Upravi za indirektno oporezivanje (UIO), njenom Upravnom odboru, direktoru Miri Džakuli i svima koji su doprinijeli rekordnom prikupljanju indirektnih poreza na godišnjem nivou, sa cifrom koja prelazi 6 milijardi KM. Sa ovim iznosom, Uprava za indirektno oporezivanje je od svog osnivanja prikupila više od 50 milijardi KM.

“Prihod od indirektnih poreza predstavlja najveći dio budžetskih prihoda na svim nivoima vlasti u BiH i na taj način doprinosi njihovoj fiskalnoj stabilnosti i naporima da osiguraju finansiranje svojih institucija, kao i svojih obaveza. Time se ističe važnost stalne podrške Upravi za indirektno oporezivanje od strane svih relevantnih institucija, uključujući i osiguranje dovoljnih resursa za njen rad. To također još jednom pokazuje da reforme poput reforme sistema indirektnog oporezivanja donose praktične pozitivne promjene od kojih cijela zemlja i svi građani imaju direktnu korist”, rekao je visoki predstavnik.